

Art. 30 - Deliberatzioni de is òrganus collegialis

1. Is deliberatzionis de is òrganus collegialis funt pigadas, comentis arrègula, cun votatzioni crara. Funt de pigai a scrutiniu segretu is deliberatzionis chi pertocant a genti, candu est esercitada una facultadi discretzionali fundada asuba su agradessi is calidadis sogetivas de una persona o asuba sa valutatzioni de sa faina chi custa fait.
2. Is setziadas de su Consillu e de is Comissionis Consiliaris funt pùblicas. Chi depint èssiri fatas valutatzionis e su agradessi asuba unas cantu personas, su presidenti disponit de fueddai de sa chistioni in setziada privada.
3. S'istrutòria e sa documentatzioni de is propostas de deliberatzioni, si faint po mesu de is responsàbilis de is ufitzius; sa verbalizatzioni de is àutus e de is setziadas de su Consillu e de sa Giunta est curada de su Segretàriu Comunali segundu is maneras e is tempus stabilius de su regulamentu po su funtzionamentu de su Consillu.
4. Su Segretàriu Comunali no partecipat a is setziadas, candu s'agatat in unu de is casus de incompatibìlidadis. In custa ocasioni est sostituui po unus cantu tempus de su cumponenti de su Consillu o de sa Giunta nominau de su Presidenti, comentis arrègula su prus giòvunu de edadi.
5. Is verbalis de is setziadas funt firmaus de su Presidenti e de su Segretàriu Comunali.

Art. 31 – Sindigu

1. Su Sindigu est eligiù a manera dereta de is citadinus segundu is maneras stabilidas in sa lei ca arrègulat is ocasionis de inelegibìlidadis, de incompatibìlidadis, su stadu giuridicu e is arrexonis de acabu de s'incàrrigu.
2. Su Sindigu giùrat ananti de su Consillu Comunali, in su de unu atòbius, pustis de sa cunvòlida de su Sindigu e de is Consilleris eligius, narendu sa fòrmula chi sighit "GIURU DE SIGHIRI A MANERA LEALI SA COSTITUTZIONI ITALIANA".
3. Issu rapresentat su Comunu e est s'òrganu responsàbili de s'aministratzioni, sovrintendit a is verifegas de arrisultau acapiadas a su funtzionamentu de is servitzius comunalis, donat diretivas a su Segretàriu Comunali, a su Diretori, chi est nominau, e a is responsàbilis de is ufitzius segundu is inditus aministrativus e gestionalis, e puru po su fai is àutus.
4. Su Sindigu segundu is inditus stabilius de su Consillu, providit a sa nòmina, a sa designatzioni e a sa revoca de is rapresentantis de su Comunu me is Entis, Aziendas e Istitutzionis.
5. Su Sindigu est puru cumpetenti, segundu is inditus donaus de su Consillu Comunali e aintru de is critàrius generalis inditaus chi capitat de sa Regioni Sardigna, intèndias is categorias intaressadas a coordinai is oràrius de is esercìtzius comercialis, de is esercìtzius pùblicos e de is servìtzis pùblicos, e puru, de acòrdiu prima cun is responsàbilis de is aministratzionis intaressadas cumpetentis po su territòriu, de is oràrius de obèrriri a sa genti de is ufitzius pùblicos postus in su territòriu, cunsiderendu is abisòngius de is fàscias de popolazioni difarentis intaressadas in s'arrispetu de sa genti chi traballat.

6. Su Sìndigu pigat is fainas de Ufitziali de guvernu me is chistionis de cumpetèntzia statali inditadas de sa lei, pighendu is providimentus contingibilis e urgentis po prevènniri e eliminai perìgulus mannus ca minàciant s'incolumidadi de is citadinus.

7. Sovrintendit a su fai is fainas delegadas de su Stadu, de sa Regioni e de sa Provìncia;

8. A su Sìndigu, funt puru donadas, de sa lei, de custu Statutu e de is regulamentus atributzionis comenti òrganu de aministratzioni e de vigilàntzia e puru poteris de autorganizatzioni de is fainas acapiadas a s'ufitziu.